

քանի որ նա պէտք է երթայ իր հայրենիքը և եթէ պէտք լինի այդ բանի համար մեռնել, կը մեռնի (ծափահարութիւն) :

Յ. ԲՈՒԴԱՂԵԱՆ. — Կարդում է դաշնակցական Փրակցիայի առաջարկած բանաձևը :

— Բանաձևն ընդունուում է 37 ձայնով 5-ի ձեռնպահութեամբ :

Առաջ քարտուղարը կարդում է ցանկը ստացւած բաղմաթիւ շնորհաւորական հեռագիրներին :

Նիստը փակուում է ցերեկայ ժամը 3-ին :

ՈՒԹՍՈՒՆՎԵՑՆԵՐՈՐԴ ՆԻՍՏ

(30 ապրիլի)

Նախագահում է Ա. Սահակեանը, քարտուղարը կարդում է նոր ստացւած գործերը :

Նախարարապետի զեկուցումը

Նախարարապետ Ա. Խատիսեանը. — Այսօր սլատիւ ունեւմ զեկուցելու վերջին երեք շաբաթեայ ընթացքում տեղի ունեցած դէպքերի մասին :

Սառն Ռէմօի խորհրդաժողովը ապրիլ 28-ին վերջացրել է իր աշխատանքները. դժբախտաբար, կայացւած վճիռների մասին մենք դեռ տեղեկութիւն չունենք. հաս ու կտոր ստացւած լուրերը արդէն հրապարակւած են մամուլում, այնպէս որ ես կանգ չեմ առնի դրա վրա ու կը զեկուցեմ մինչև այդ խորհրդաժողովը կատարւած աշխատանքների մասին :

Հայաստանի հարցը. — Մարտ ամսուայ ընթացքին Լոնդոնում տեղի են ունեցել Գերագոյն Սորհրդին փոխարինող և խորհրդակցական ընդթկող՝ դաշնակից պետութեանց ներկայացուցիչների ժողովները. յատուկ մի մասնաժողովը զբաղւել է Հայաստանի հարցով և յատկապէս քննութեան է առել երեք խնդիր՝ սահմանների, դէպի ծով ելք ունենալու և Հայաստանի սահմաններում ապրող ժողովուրդների փոխարարներութեանց խնդիրները : Բացատրութիւններ տւել են Ա. Ահարոնեան, Պ. Նուարը, մէկ անգամ հրաւիրւած է եղել Ջաւէն պատրիարքը, իսկ զօր.Ղարդանեանը, որպէս զօրական ներկայացուցիչ, մասնակցել է բոլոր նիստերին : Դժւար է ասել, թէ վերջնականապէս ինչ վճիռ է կայացել, սակայն, առայժմ պարզ է, որ Հայաստանի սահմանների մէջ են մտնում Վանի վիլայէթն առանց Հէքեարիի, Բիթլիսի վիլայէթը, Մշոյ սանջակը, Էրզրումի վիլայէթը. Տրապիզոնի վիլայէթի վերաբերմամբ վերջնական տեսակէտ դեռ չի մշակւած : Եթէ մասնաժողովի վճիռը հաստատուի Մառն Ռէմօում, ապա Հայաստանը կունենայ 220,000 քառ. վերստ տարածութիւն :

Դէպի ծով ելք ունենալու խնդրի վերաբերմամբ կայ երկու տեսակէտ. առաջինի կարծիքով Հայաստանի կենսունակութեան համար անհրաժեշտ է սեփական ելքը, երկրորդն, ընդհակառակը, պնդում է, որ նա Բաթումից կարող է օգտուել :

Երրորդ խնդրի վերաբերմամբ մանրամասն զեկուցում է տւել Ա. Ահարոնեան՝ նկարագրելով Հայաստանի ժողովուրդների փոխարարներու-